

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO-OPĆINA ILIDŽA
OPĆINSKO VIJEĆE**

Prijedlog

**ODLUKA
O IZMJENAMA ODLUKE O VISINI KOMUNALNIH TAKSI
OPĆINE ILIDŽA**

Ilidža, januar 2026. godine

**Predlagač: OPĆINSKI NAČELNIK
Služba za finansije**

Na osnovu člana 6. Zakona o komunalnim taksama („Službene novine Kantona Sarajevo“, br. 8/22), a u vezi sa Mišljenjem Ustavnog suda Federacije Bosne i Hercegovine broj U-6/25 od 9. aprila 2025. (Službene novine Federacije BiH, br. 33/25), člana 13. alineja (4) Zakona o principima lokalne samouprave ("Službene novine Federacije BiH, broj 49/06 i 51/09) i člana 86. Statuta Općine Ilidža („Službene novine Kantona Sarajevo“ br. 33/10 - Prečišćeni tekst i 18/16), Općinsko vijeće Ilidža na _____ sjednici održanoj dana _____ donosi:

ODLUKU
o izmjenama Odluke o visini komunalnih такси Općine Ilidža

Član 1.

U Odluci o visini komunalnih такси Općine Ilidža ("Službene novine Kantona Sarajevo", broj 14/22), u članu 2. tačka "a)" briše se.

Dosadašnje tačke od "b" do "h", postaju tačke od "a" do "g".

Član 2.

U članu 3.

Briše se tačka "a)".

Dosadašnje tačke od "b" do "h", postaju tačke "a" do "g".

Član 3.

U članu 4., stav (1) briše se.

Stav (2) mijenja se i glasi:

"Taksena obaveza iz člana 3. stav 1. tačke a) do g) ove odluke nastaje u trenutku kada se počinje koristiti predmet, poslovni prostor i usluga za čije je korištenje ovom Odlukom propisano plaćanje takse."

Dosadašnji stav "(2)" postaje stav "(1)"

Član 4.

U članu 5., stavu (1) iza riječi "predmeta", dodaju se riječi " poslovnih prostora".

Član 5.

U članu 8. stav (1), Tarifni broj 1. briše se.

U Tarifnom broju 3. , tabelarni dio mijenja se i glasi:

Poslovni prostor u kojem se priređuju klasične i posebne igre na sreću	Z O N E – iznos takse u KM				
	EXTRA	I	II	III	IV
Iznos:	20000	18000	16000	14000	12000

Dosadašnji Tarifni brojevi od 2. do 8., postaju Tarifni brojevi od 1. do 7.

Član 6.

Član 10. briše se.

Član 7.

Član 11. briše se.

Član 8.

U članu 12. stav (1) briše se.

U stavu (2) riječi " tačke b) do h) zamjenjuju se riječima "tačke a) do g)".
Dosadašnji stav "(2)" postaje stav "(1)".

Član 9.

U članu 14. stav (1) mijenja se i glasi:

Nadzor i kontrolu prijave, obračuna i plaćanja općinske komunalne takse vrši Porezna uprava i Služba za inspekcijski nadzor Općine Ilidža - Urbanističko-građevinska i komunalna inspekcija u saradnji sa Službom za finansije, svaka u okviru svoje nadležnosti.

U članu 14., u stavu (2) riječi "Službi iz stava (1) ovog člana" zamjenjuju se riječima "Službi za finansije"

Član 10.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAVAJUĆI
OPĆINSKOG VIJEĆA ILIDŽA**

Tarik Stambolić, magistar poslovnog prava

O b r a z l o ž e n j e

za Prijedlog Odluke o izmjenama Odluke o visini komunalnih taksi Općine Ilidža

a) Zakonski osnov za donošenje propisa

Zakonski osnov za donošenje Odluke o izmjenama Odluke o visini komunalnih taksi Općine Ilidža sadržan je u:

- članu 6. Zakona o komunalnim taksama ("Službene novine Kantona Sarajevo", broj 8/22) kojim je propisano da **općinsko vijeće utvrđuje kriterije i visinu takse za obveznike koji su registrovani i /ili posluju na području općine.**

- članu 13. alineja (4) Zakona o principima lokalne samouprave ("Službene novine Federacije BiH", broj 49/06 i 51/09) kojim je propisano da **Općinsko vijeće donosi propise o porezima, taksama, naknadama i doprinosima jedinice lokalne samouprave u skladu sa zakonom**

- članu 86. Statuta Općine Ilidža – Prečišćeni tekst ("Službene novine Kantona Sarajevo", br. 33/10 i 18/16) kojim je utvrđeno da **Općinsko vijeće donosi općinske propise u obliku odluke.**

b) Razlozi donošenja Odluke

Odlukom o visini komunalnih taksi Općine Ilidža ("Službene novine Kantona Sarajevo", br. 14/22) propisana je vrsta, kriteriji i visine takse na području općine Ilidža, oslobađanje od plaćanja i način plaćanja u skladu sa Zakonom o komunalnim taksama ("Službene novine Kantona Sarajevo", broj 8/22).

Odlučujući o zahtjevu zamjenika Premijera Federacije BiH za davanje mišljenja u vezi sa primjenom stavova Ustavnog suda Federacije BiH utvrđenih u presudama tog suda u odnosu na komunalne takse/naknade za istaknutu firmu, Ustavni sud Federacije BiH je dana 09.04.2025.g. utvrdio Mišljenje u kojem se navodi da su kantonalne skupštine, gradska i opštinska vijeća na teritoriji Federacije BiH koje propisuju obavezu plaćanja komunalne takse/naknade za isticanje firme **dužni iz svojih propisa ukloniti odredbe** kojima se propisuje komunalna taksa/naknada i utvrđuje obaveza plaćanja komunalne takse/naknade za istaknutu firmu.

Na osnovu gore navedenog Mišljenja Ustavnog suda Federacije Bosne i Hercegovine, Općina Ilidža je pristupila izmjeni odnosno usaglašavanju Odluke o visini komunalnih taksi Općine Ilidža.

Također, izvršena je korekcija (povećanje) visine komunalne takse u Tarifnom broju 2. za poslovni prostor u kojem se priređuju klasične i posebne igre na sreću.

Na kraju, sa ciljem poboljšanja sistema nadzora i kontrole naplate takse izmijenjen je član 14. Odluke čime je omogućeno da Služba za inspekcijski nadzor Općine Ilidža - Urbanističko-građevinska i komunalna inspekcija vrši kontrolu prijave i plaćanja općinske komunalne takse

c) Finansijska sredstva

Za realizaciju predložene Odluke o izmjenama Odluke o visini komunalnih taksi Općine Ilidža nisu potrebna finansijska sredstva, ali primjenom iste predviđa se smanjenje prihoda Budžeta Općine Ilidža po osnovu komunalne takse.

